

der den schvttel hat. Swenne ab er lange zit
also ist gewesen. an einē gesvnden. so bezei-
chent er den siechtvm. der da heizzet gutta. daz
ist. so vzt dem hopte zet al triffet indw lit.
od er bezeichent ein wazzer sibt. Swenne
der selbe harn ze mazze dicke ist. so bezei-
chent er an einē wngelunge der coleticos
ist. daz des gesalzen fleymatz ze vil indem
libe ist an viebet. An einē melantolico an ei-
nem alten. an einē flegmatico an einē wibe.
bezeichnen er ein taglich viebet. von dem ge-
salzen fleymate. an einē chinde bezeichet
er zwei viebet. od den minnern envritivm.
Ist iz lange zit also gewesen. so bezeichent
er die roden. od ein irregendes viebet ode
ein quartan. So der selbe harn mazlichen
dvnne ist. so bezeichent er daz gesalzen fley-
ma vnverdevt ist indem libe. So aber er hin-
der mazlicheit dvnne ist. so bezeichent er
daz der cyter varben coleta ze vil ist indem
libe an viebet. Swenne ab er vaste schmet
dvrch daz glas. so bezeichent er ein tertian.
von der tyter varben varben coleta. **vo der**